

《小雅·小弁》

《毛詩序》：

小弁。刺幽王也。天子之傅作焉。

原文：

弁彼鸞斯。歸飛提提。民莫不穀。我獨于罹。
何辜于天。我罪伊何？心之憂矣。云如之何。
踳踳周道。鞠為茂草。我心憂傷。惄焉如擣。
假寐永嘆。維憂用老。心之憂矣。疢如疾首。
維桑與梓。必恭敬止。靡瞻匪父。靡依匪母。
不屬於毛？不罹于裏？天之生我。我辰安在？

菀彼柳斯。鳴蜩嘒嘒。有漙者淵。萑葦淠淠。
譬彼舟流。不知所屆。心之憂矣。不遑假寐。
鹿斯之奔。維足伎伎。雉之朝雊。尚求其雌。
譬彼壞木。疾用无枝。心之憂矣。寧莫之知。
相彼投兔。尚或先之。行有死人。尚或瑾之。
君子秉心。維其忍之。心之憂矣。涕既隕之。

君子信讒。如或醜之。君子不惠。不舒究之。
伐木掎矣。析薪地矣。舍彼有罪。予之佗矣。

莫高匪山。莫浚匪泉。君子无易由言。耳屬於垣。
无逝我梁。无發我笱。我躬不閱。遑恤我後。

小弁 八章 章八句